

重校刻平津館叢書

第

集



14496

千金寶要卷之三

賜進士及第授通奉大夫署山東布政使孫星衍校

霍亂吐瀉第九

霍亂轉筋蓼一把去兩頭以水二升煮取一升頓服
之一方作梨葉

又方燒故木梳灰末之酒服一枚小者永差

又方車轂中脂塗足下差

又方作極鹹鹽湯干槽中煖漬之

又方以醋煮青布搗之冷復易之

轉筋不止若男子以手挽其陰牽之女子挽其乳近

左右邊

千金寶卷三

轉筋在兩臂及胸中者灸手掌白肉際七又灸亶中

中府巨闕胃管尺澤并治筋拘頭足皆愈

霍亂引飲飲輒乾嘔生薑五兩咬咀以水五升煮取

二升半分二服高良薑大佳

中熱霍亂暴利心煩脉數欲得冷水者新汲井水頓
服一升立愈先患胃口冷者勿服之

霍亂吐下腹痛以桃葉煎汁服一升立止冬用皮

走哺轉筋灸踵踝白肉際各三七壯又灸小腹下橫

骨中央隨年壯

轉筋四厥灸兩乳根黑白際各一壯

轉筋灸湧泉六七壯在足心下當拇趾大筋上又灸

足大趾下約中一壯

又方轉足踝聚筋上白肉際七壯立愈

轉筋入腹痛欲死四人持手足灸臍上一寸十四壯
自不動勿復持之又灸股裏大筋去陰一寸

霍亂轉筋令病人合面正卧伸兩手著身以繩橫量
兩肘尖頭依繩下來脊骨兩邊相去各一寸半灸
一百壯無不差

霍亂已死有煖氣者灸承筋取繩量圍足從趾至跟
匝捻取等折一半以度令頭至跟踏地處別繩上
至度頭卽是穴灸七壯起死人又以鹽內臍中灸
二七壯

千金寶要卷三

二一

霍亂洞下不止艾一把水三升煮取一升頓服之夏
又方香茅一把水四升煮取一升頓服之青木香亦
佳

蠱毒宿食不消霍亂極鹹鹽湯三升熱飲一升刺口
令吐宿食使盡不吐更服吐訖復飲三吐乃住此
法大勝諸治俗人以爲田舍淺近法鄙而不用守
死而已凡有此病卽須先用之

又方薤豆一升香薷一升以水六升煮取二升分服
單用亦得

胞轉小便不通亂髮急纏如兩拳大燒末醋四合和
二方寸匕服之訖卽炒熟黑豆葉蹲坐其上

又方阿膠三兩水二升煮取七合頓服之

又方豉五合以水三升煮數沸頓服之

又方麻子煮取汁頓服之

又方連枷關燒灰水服之

又方筆頭燒灰水服之

又方灸玉泉七壯穴在關元下一寸大人從心下處取八寸是玉泉穴小兒斟酌取之

又法灸第十五椎五十壯

又法灸臍下一寸隨年壯一曰四寸

吐逆霍亂吐血灸手心主五十壯

吐血生地黃肥者五升搗以酒一升煮沸三上三下

去滓頓服之

千金寶要卷三

三

又方服桂心末方寸匕日夜可二十服亦治下血

忽吐血熱艾三雞子許水五升煮取二升頓服

又方燒亂髮灰水服方寸匕日三亦治舌上忽出血

如簪孔者亦治小便出血

中蠱下血日數十行苦瓠一枚以水二升煮取一升

稍稍服之當下蠱及吐蝦蟇科斗之狀一月後乃

盡又云苦瓠毒當臨時量用之又云用苦酒一升

煮

虎犬馬傷第十 針折入肉附

虎咬瘡煮葛根合濃以洗之十遍飲汁及搗爲散以

葛根汁服方寸匕日五甚者夜二

又方青布急卷爲繩止一物燒一頭然內竹筒中注

瘡口薰之妙

又方煮鐵令濃洗瘡

又方嚼栗子塗之良

剝死馬骨傷人毒攻欲死便取馬腸中屎塗之大良

又方取其屎燒灰服方寸匕

狂犬咬人毒有七日一發百日內殺人者每到七日

搗韭汁飲一二升當終身禁食犬肉蚕蛹若犯則

死不可救瘡未愈之間禁食生魚及諸肥膩冷食

但干飯下蒸魚及于肥器中食便發不宜飲酒過

千金寶要卷三

四

一年乃佳

制犬嚙人搗地榆絞汁塗瘡無生者取乾者以水煮

汁飲之亦可末之服方寸匕日三兼傳之過百日

止

又方搗韭絞汁飲一升日三瘡愈止

又方以豆醬清塗之日三四

又方刮虎牙或骨服方寸匕

制犬毒燒虎骨傳瘡及熨又微熬杏仁搗研取汁服

之良又取燈盞殘油灌瘡口此皆禁生菜猪肉魚

酒

又方用韭根故梳二枚以水二升煮取一升頓服

又方桃東南枝白皮一握水二升煮取一升分二服
吐出犬子

又方服葇蓉子七枚日一

又方梅子末酒服

獠犬所齧惡血未盡灸上一百壯以後當日灸一壯
若不血出刺出其血百日灸乃止禁飲酒猪犬肉

凡犬齧人以熱牛屎塗之佳

針折入肉中刮象牙末水和聚着折針上卽出

又方磁石吸鐵者着上卽出

舌耳心目等大小便第十一

舌卒腫滿口溢出須臾不治殺人急以指刮破舌兩

千金寶要卷三

五

邊去汁卽愈

又方取釜下墨以酢厚傅舌上下脫去更傅佳

又方半夏十二枚洗熟以酢一升煮取八合稍稍含

漱之吐出加生薑一兩佳

又方滿口含糖酢少許時熱通卽止

舌上出血如泉燒鐵篋熟烙孔中良

舌強不語礬石桂心等分爲末安舌下立差

耳中有物不可出以弓弦從一頭令散傅好膠注耳

中物上停之令相着徐徐引之

耳聾乾盯瞶不可出三年酢灌之最良縣塞之半日

許必有物出

百虫入耳末蜀椒一撮以酢半升調灌耳中行二十步卽出

又方桃葉火熨卷之口塞耳立出

又方車肛脂傅耳孔自出肘後以療聾耳膿血

又方以芎涕灌耳中虫卽出亦治耳聾

齒斷間血出不止生竹茹二兩醋煮含之

又方溫童子小便半升取三合含之其血卽止

九孔出血搗荊葉取汁酒服二合一卽荊芥

九種心痛取當太歲上新生槐枝一握去兩頭咬咀

以水三升煮取一升頓服

又方桃白皮煮汁空腹以意服之

千金寶要卷三

六

婦人心痛布裹鹽如彈丸燒作灰酒服

又方燒秤錘投酒中服佳

又方炒大豆投酒中服佳

產後卒心腹痛桂心三兩酒三升煮取二升去滓分

三服日三

又腹中苦痛生牛膝五兩酒五升煮取二升去滓分

二服若乾牛膝根卽酒浸一宿方可煮

奔豚氣急作湯以浸兩手足數數易之

又方灸章門百壯一名長平二穴在大橫外直臍肋

端

又方灸氣海百壯穴在臍下一寸半

又方灸關元百壯在臍下三寸

又方灸中極五十壯在臍下四寸

又方灸期門百壯直乳下第二肋端傍一寸五分

又方灸四滿二七壯穴夾丹田兩傍相去三寸卽心

下八寸臍下橫文是也

奔豚腹中與腰痛灸中府百壯穴在兩乳上三肋間

耳聾有膿不差有虫先以絲纏去耳中汁以礬石末

粉耳中次以石鹽末粉其上食久乃起不過再永

差
度
聾耳桃仁熟搗以故緋絹裹內耳中日三易以差爲

千金寶要卷三

七

治底耳黃礬燒絲裹內耳中不過三日愈或以葦管

吹耳中

治虫心痛鶴蝮末之密和梧子大服四十九日三蜜

湯下加至五十九慎酒肉

又方鶴蝮一兩末之空腹溫酢一盞和服之虫當吐

出

又方服漆一合

熱翳漫睛以羊筋漱口熱嚼夜卧開目納之卽閉目

睡去膜明日差亦治眯目

眼暗以銅器盛大酢三四升煎七八日覆器溼地取

銅青一合以三月杏白仁一升取汁和銅青傳之

日不過三四度大夏

又方含黃蘗一爪甲許使津置掌中拭目訖以水洗之至百日眼明此法乃可終身行之永除眼疾神

良

雀目術令雀目人至黃昏時看雀宿處打令驚起雀飛乃咒曰紫公紫公我還汝盲汝還我明如此日日瞋三過作之眼卽明曾試有驗

大小便不通葵子末一升青竹葉以水二升煮五沸頓服

又方葵子一升榆皮一升水五升煮取二升分三服又方葵子一升以水三升煮取一升去滓納猪脂一

千金寶要卷三

八

升空腹分二服

又方餗帶煮取汁和蒲黃方寸匕日三服

又方猪脂一升以水二升煮三沸飲汁立通

又方灸臍下一寸三壯

失欠頰車蹉一人以手指牽其頤以漸推之則復入矣推常疾出指恐悞齒傷人指也

又方消蠟和水傅之

目眯不出以蚕沙一粒吞之卽出

卒食物入鼻有入腦羊脂如指大內鼻中吸上物隨脂下

鼻中出血不止搗楮葉汁飲三升大良

齒痛蚯蚓糞水和作稠泥團以火燒之令極赤如粉
以臘月猪脂和傅斷上日三兩度永差

又方馬齒菜一把嚼之卽差

齒根動欲落生地黃絲裹着齒上咋之及咬咀以汁

漬齒根日四五并咽汁十日大佳

大便難好膠三寸芴白一把以水四升煮取一升半
頓服之卽下

又方葵子汁和乳汁等分服之立出

大便失禁不拘老人小兒灸兩脚大指去甲一寸三

壯又灸大指奇間三壯

小便不通水四升洗甌帶取汁煮葵子取二升半分

千金寶要卷三

九

三服

又方胡燕糞豉各一合和搗丸如梧桐子大服三九

日三

又方髮去垢燒末一升葵子一升以飲服方寸匕日

三

又方石槽塞灰土并花水服之日三

又方服車前子末方寸匕日三百日止

卒不得小便車前草一把桑白皮半兩咬咀以水三

升煎取一升頓服之

婦人卒不得小便者杏仁二七枚熬末服之立通

又方紫菀末并花水服三指撮立通血出四五度服

之

大小便不利葵子二升消石二兩以水五升煮取二升分再服

小便不利大便數注灸屈骨端五十壯

胃反食則吐搗粟米作麪水和作丸如楮子大七枚爛煮內酢中細細吞之得下便已麪亦得用之

胃反食卽吐出上氣蘆根茆根各二兩細切以水四升煮取二升頓服之得下良

又方飲白馬尿卽止

又方淘小芥子暴乾爲末酒服方寸匕日三

又方灸兩乳下各一寸以差爲度

千金寶要卷三

十

上氣上酥一升獨頭蒜五顆先以酥煎蒜黃出之生薑汁一合共煎令熟空腹溫服方寸匕

上氣嘔吐芥子二升末之蜜丸寅時以井花水服如梧子大七丸日二亦可作散酒浸服治臍下絞痛

脚氣入腹困悶欲死吳茱萸六升木瓜兩箇切以水

一斗三升煮取三升分三服如人行十里久再進

一服或吐或汗或利或大熱悶卽差此起死人方

卒噎滿口着蜜食之卽下

又方刮椿杵頭細糠含之卽下

又方老牛涎棗核大水中飲之終不復噎

齩齒及虫痛切白馬懸蹄如米許以繇裹着痛處孔

中不過三度

又方家中法以煮酒蠟少許任在虫孔子中以熱火筋烙之令蠟融于孔立愈

熱病後眼暗失明以羊膽傅之旦暮各一

明目令髮不落牛膽中漬槐子陰乾百日食後吞一枚十日身輕三十日白髮再黑百日通神

明目小黑豆每日空心吞二十七粒

又方三月三日採蔓菁花陰乾治下篩空心井花水服方寸匕久服可夜讀細書

目赤及翳烏賊骨鉛丹大小等分合研細和白蜜如泥蒸之半食久冷着眼四眥日一

千金寶要卷三

十一

治三十年聾故鐵三十斤以水七斗浸三宿取汁入麴釀米七斗如常造酒法候熟取磁石一斤研末浸酒中三日乃可飲取醉以絰裹磁石內耳中好覆頭卧酒醒去磁石卽差

耳聾鳴汁出一二十年不差礬石少許以生菖蒲根汁和點入耳中

耳聾巴豆十四箇成鍊松脂半兩合治九如黍米大絰裹以簪頭着耳中一日一易藥如硬微火灸之以汁出乃愈妙

又方菖蒲附子等分末之以麻油和以絰裹內耳中又方芥子搗碎以男兒乳和絰裹內之

又方作一坑可容二升許着炭火其中坑似窖形以磚覆口上磚上作一孔可容小指磚孔上着地黃一升以木盆覆之以泥泥盆下勿泄盆底上鑽一小孔可容筋其孔上着三重布以耳孔當盆上熏久若悶去黃水髮裏鹽塞之不過二三度神効

又方酒三升浸牡荊子二升碎之浸七日去滓任性服盡三十年聾亦差

又方硫黃雄黃各等分末之緜裹內耳中數日聞人語

中風大風水氣第十二

大風半身不遂蚕沙兩石熟蒸作直袋三枚各受七

千金寶要卷三

十二

斗熱盛一袋着患處如冷卽取餘袋一依前法數數易百不禁差止須羊肚釀粳米芎白薑椒豉等爛煮熱喫日食一枚十日止千金不傳

百種風灸腦後項大椎平處兩廂量二寸三分各灸百壯得差須取病人指寸量

卒病惡風欲死灸第五椎名曰藏輪一百五十壯三百壯便愈

中風口僻眼急諸藥不能差者枳實上青刮取末欲至心止得茹五升微火炒去溼氣以酒一斗漬微火暖令得藥味隨性飲之大驗治緩風急風並佳

中風口喎炒大豆三升令焦以酒三升淋取汁頓服

之口噤不開亦治

又方大皂角一兩去皮子下篩以三年大酢和左喎塗右右喎塗左乾更塗之

卒氣短搗韭汁服一升立差

豆豉

大風疾煉松脂投水中二十徧蜜丸服二兩飢便服之日三鼻柱斷離者二百日服之差斷鹽及雜食

房室

又方天門冬酒服百日愈

大風灸百會七百壯

腎寒灸腎輪百壯

中風口喎灸手交脈三壯左灸右右灸左其炷如鼠

尿橫安之兩頭下火

千金寶要卷三

三

風勞毒種疼痛攣急桃仁一升研如常法以酒三升攪和頓服之厚衣蓋令汗不過三劑

猥退風草麻子脂一升酒一斗銅鉢盛着酒中一日煮之令熟服之

失音濃煮桂汁服一升覆取汗亦可末桂着舌下漸漸咽汁

又方濃煮大豆汁含亦佳無豆用豉

歷節風松膏一升酒三升浸七日服一合日再數劑

愈

冷氣氣短蜀椒五兩絹袋盛以酒一斗浸之二七日

服之任意多少

卒上氣鳴急便欲死者搗韭汁服一升良

乏氣枸杞葉生薑各二兩咬咀以水三升煮取一升頓服

心腹冷痛熬鹽一斗熨熬蚕沙燒磚石蒸熨取其裏

溫暖止蒸土亦大佳

虛勞浮腫灸太衝百壯又灸腎輸

虛勞不得眠酸棗榆葉等分末之蜜丸如梧子大每服十五丸日再

又方乾薑四兩末湯和頓服覆取汗愈

一切虛羸鹿骨一具碎枸杞根切二斤二味各以水

千金寶要卷三

十四

一斗別器各煎汁五升去滓澄清仍合一器共煎取五升日二服盡好將慎皆用大斗

補虛羸九月十日取生溼枸杞子一斗酒六升煮五

沸出取研之熟漉取汁合其子極淨暴子令乾搗末合前汁微火煎令可丸酒服二方寸匕日二加至三方寸匕亦可加至五十丸

腹脹滿繞臍結痛堅不能食灸中守百壯穴在臍上

一寸一名水分

脹滿氣聚寒冷灸胃管百壯三報穴在鳩尾下三寸

脹滿瘕聚滯下冷疼灸氣海百壯穴在臍下一寸忌

不可針

中極臍下四寸

脹滿氣如水腫狀小腹堅如石灸膀胱募百壯穴在
脹滿腎冷瘦聚洩利灸天樞百壯穴在臍傍相對橫
去臍兩傍各二寸

諸冷極馬藺子九升淨治去土空腹服一合日三飲
及酒下之服訖須臾以食壓之取差乃止

骨蒸天靈蓋如椀大灸令黃碎以水五升煮取二升
分三服起死人神方

又方取人屎灰以酒服方寸匕日三

走疰燒車釭令熱暫入水以溼布裹熨之

三十年氣疰政心半升生椒一合以水二升煮取半

千金寶要卷三

五

升適寒溫用竹筒縮取汁令病者側臥以手擘大
孔射灌之少時當出惡物此法垂死悉治得差百

千不可具述

欬嗽胸脇支滿多唾上氣酒一升半浸肥阜莢兩挺
經宿煮取半升分三服七日忌如藥法若吐多以
酢飯三四口止之

又方薑汁一升半沙糖五合煎薑汁減半內糖更煎
服之

又方白糖五分微煨令消內阜莢末方寸合利相得
先食服如小豆二九

又方服芥子七丸以油酒下之

上氣欬嗽乾羌末三兩膠飴一斤二味和令調蒸五
升米下以棗大含稍稍咽之日五夜二

卅年嗽百部根二十一斤搗取汁煎如飴服方寸匕

日三

又方白蜜一斤生羌二斤取汁二味先將銅鈔秤知
斤兩訖內蜜復秤知數次內羌汁以微火煎令羌
汁盡惟有蜜斤兩在九如棗大合一九日三禁一
切雜食

又方紫苑二兩款冬花二兩末之食後以飲服方寸
匕日三七日差

久水腹大如鼓烏豆一斗熬令香勿令大熟去皮爲
千金寶要卷二 大

細末錫粥皆得服之初服一合稍加之若初服多
後卽嫌臭服盡卽更造取差止不得食肥膩渴則
飲羹汁慎酒肉猪雞魚生冷酢滑房室得食漿粥
牛羊兔鹿肉此據大飢渴時食之可忍亦勿食也
此病難治雖諸大藥丸散湯膏當時雖差過後復
發惟此散差後不發終身服之終身不發矣其所
禁食物常須少噉莫隨意醜物諸雜食等

又方葶藶末二寸匕蒼耳子灰二寸匕調和水服之
日二

又方椒目沉水者取熬之搗如膏酒服方寸匕
又方水煮馬兜零服之

水腫利小便葶藶四兩生用桂心一兩末之蜜飲下
梧子大七九日二以知爲度

又方牽牛子末之水服方寸匕日一利止

又方郁李仁末麩各一升和作餅子七枚燒熟空腹
熟食四枚不知更加一枚加至七枚

大水頭面徧身腫脹苦瓠白穰實捻如大豆以麩裹
煮一沸空腹吞七枚至午當出水口升三四日水
自出不止大瘦乃差三日內慎口味也苦瓠須好
無厭翳細理研口口口口有毒不堪用崔氏用子
木作餠飽服二七枚若恐虛者牛乳服之如此隔日
作服漸加至三七枚以小便利爲度小便若太多

卽二日停止

千金寶要卷三

七七

水通身腫煎猪椒枝葉如錫空腹服一匕日三瘁以
汁洗之

又方苦瓠膜二分葶藶子五分熬搗爲丸如小豆大
服五九日三

又方單服牛尿大良凡病水無不差服法先從少起
得下爲度

又方大棗肉七枚苦瓠膜如棗核大搗丸一服三九
如行十五里久又服三九水出更服一九卽止

又方煎人尿令可丸如小豆大日三服

又方葶藶桃仁各等分皆熬合搗爲丸服之利小便

一曰用杏仁

又方搗生葶藶子酢和服以小便數爲度

又方燒姜石令赤內黑牛尿中令熱服一升日一

又方灸足第二趾上一寸隨年壯又灸兩手大指縫

頭七壯

凡卒中風口喎以葦筒長五寸以一頭刺耳孔中四

畔以麩密塞之勿令泄氣一頭內大豆一顆并艾

燒之令然灸七壯卽差患右灸左患左灸右耳病

亦灸之若不能語者灸第三指上百壯若眼反口

噤腹中切痛灸陰囊下第一橫理十四壯人卒死

者灸法同之

千金寶要卷三

六

破傷風腫厚塗杏仁膏燒麻燭遙灸之

刺傷中風水刮箭羽下漆塗之

又方服黑牛熱尿一服二升三服卽止

又方煮韭熟搗之

又方蠟一兩熱灸熨薄裹其上水出愈

光緒歲在閏逢涓灘國子監肄業生吳縣朱記榮校刊
千金寶要卷之三終

千金寶要卷之四

賜進士及第授通奉大夫署山東布政使孫星衍校

瘡痢癥等第十三

凡下痢熱烏梅一升黃連一斤金色者末之蜜和如梧子大二十九日三夜二

積久三十年常下痢赤松皮去上蒼皮切一斗爲散麩粥和一升日三服百日差

下血日夜百七八十行黃連黃蘗各四兩呶咀醇酢三升煮取一升半分再服

赤白帶下亂髮雞子大燒末水服不過三

下冷臍下攪痛赤石脂乾薑各十兩丸如豌豆服十

千金寶要卷四

九日三加至二十九

卒下痢黃連五兩生薑一斤呶咀以水五升煮取一

升頓服未止更服

久冷白痢日夜五六十行大小腹痛不可忍好麩末五升微熬令和温清酒令熱和麩末一升空腹頓

服日三服若至食時搗蒜一升令至熟下薑椒調

和如常食法惟須稠勿加鹽以水和麩二升作索

餅極爛煮之乾漉熱內蒜齏日中相和一頓食之

少與餘食至飢時仍準前食麩末酒比至差不過

兩日

久冷或痢或不痢但患腰腹苦冷者上等新蜀椒三

升用酢宿漬之以麴三升和椒一升緊拌煮作粥
空腹頓服之加芎藭鹽任性調和不差更作以差
爲限不過三升椒卽愈此不但治冷大治諸虛損
冷極有所益久當自知耳

瘧或間日或夜發者燒黑牛尾頭毛作灰酒服方寸

七日三

又方無問新久者小便一升半蜜三七同煮三沸頓
服每發日平旦時服自至發勿食重者漸退不過
三服差

一切瘧無問遠近正仰卧以線量乳間中屈從乳向
下灸度頭隨年壯男左女右

千金寶要卷四

二

五臟諸瘧灸尺澤七壯穴是肘約上動脈

禳瘧法未發前抱一大雄雞時時驚動令雞作大聲
立差

卒暴癥腹中有物堅如石痛如斫刺晝夜啼呼不治
百日必死牛膝二斤咬咀暴之令乾以酒一升浸
之密塞氣口煎取半服半升一服便吐去宿食神
効

又卒暴癥取商陸根搗碎蒸之以新布藉腹上以藥
鋪布上以衣物覆藥上冷復易之數日勿息

凡所食不消取其餘類燒作末酒服方寸匕便吐去
宿食卽差如食桃不消者以時無桃就樹間得稿

桃燒服亦可

卒食不消欲成癥積者煎艾汁如飴取半升作一服
便利吐去宿食神良

又方白艾五尺圍一束薏苡根一大把二味煎服
食魚肉等成癥結并諸毒氣狗屎五升燒末絛裏之
以酒一斗浸再宿瀘取清分十服日三服三日使
盡隨所食便出矣

雜中食瘀實不消心腹堅痛以水三升煮白鹽一升
令消分三服自吐亦治暴癥

患癥結病及瓜病似瓜形日月形或在臍左右或在
臍上下若驚在左右肋下或當心如合子大先針

千金寶要卷四

三

其足以椒熨之取一新大盆受一斗者盆底鑽一
百二十孔孔上着椒三合上着一重紙紙上着冷
灰一升灰上着熱灰半升上着剛炭火一斤經一
食頃盆底熱徹當病上初安壇一重卽安火盆火
盆大熱以漸更加一重若火更熱不可忍加至三
重暫歇一口冷飲還上火消二分許卽停經三日
口口及至七日決得頓差然後食美食自補若小
不差作露宿丸服之方在第十六卷中

驚癥腹堅硬腫起大如盆眠卧不得取藍一斤搗水

三升絞取汁服一升日二

又方蒲藿根白芨一握研取汁水和服之

食口得病爲驚癥在心上堅強雞屎一升炒黃取五合以酒一升浸半爲末以所浸酒服方寸匕日二

三日中作一劑

蛟龍病開皇六年三月八日有人食芹得之其人病發似癩癩面色青黃因食寒食餒過多便吐出蛟龍有頭及尾從茲有人患此疾令服寒食餒二斗大驗

米癥常欲食米若不得米則胸中清水出雞屎一升白米五合炒令米焦搗末以水二升頓服取盡須臾吐出病如研米若無米當出痰自此永憎米不復食

千金寶要卷四

四

頭風吐逆第十四
凡食後吐酸水乾薑茱萸各二兩治篩酒服方寸匕日二胃冷服之立驗

嘔噦蘆根切三升以水一斗煮取四升分四服

乾嘔吐逆涎沫出者半夏乾薑等分呔咀以漿水一升半煮取七合頓服之日三

乾嘔酒浸馬屎一宿取汁服之

又方灸心主尺澤亦佳

又方灸乳下一寸三十壯

乾嘔不止粥食湯藥皆吐不停灸手間使三十壯若四厥脉沈絕不至者灸之便通此起死人法

治噦煮豉三升飲汁佳

又方空腹飲薑汁一升

又方濃煮蘆根汁飲之

又方灸承漿七壯炷如麥大又灸臍下四指七壯

惡心苦瓠穰并子一升碎以酒水三升煮取一升頓

服須臾吐下如蝦蟇衣三升

又方服小便百日佳

又方麻子一升熬令香熟搗取酒三升熟研濾取一

升飲盡日二服盡口石差一切病自能食飲不能

酒者任性多少

食飲輒吐頓服生熟湯三升卽止

千金寶要卷四

五

吐逆食不住灸胃管百壯三報

吐逆飲食却出灸脾募百壯三報章門也

咽痛逆氣不能食麻子一升熬令黑以酒一升淋取

汁空心一服一升漸至二升多汗好覆勿觸風冷

此方兼理產婦及丈夫中風如角弓反張口噤不

開

治婦人氣平旦服烏牛屎日一止

腰痛以酒單服鹿茸與角方寸匕日三

腰腎痛導引法正東坐收手抱心一人于前據躡其

兩膝一人後持其頭徐牽令偃卧頭到地三起三

卧止便差

腰痛灸法宜針決膝腰句尺一中青赤路脉出血便
差

又方灸脚跟上橫文中白肉際十壯良

又方灸足巨陽七壯巨陽在外踝下

又方灸腰自窞七壯在尻上約左右

又方灸八窞及外踝上骨約中

腰卒痛灸窮骨上一寸七壯左右各一寸七壯

頭風大豆三升炒令無聲先以一斗二升瓶盛清酒

九升乘豆熱卽傾酒中密泥頭七日溫服之

又方服荆瀝不限多少取差止

又方搗萌藿根一升酒二升漬服汗出止

千金寶要卷四

六

又方末蔓荆子二升酒一升絹袋盛浸七宿溫服三

合日三

又方臘月烏雞屎一升炒黃末之絹袋盛以酒三升

浸溫服任意常令醺酣

又方七月七日麻勃三升麻子一石末相和蒸之沸

湯一石五斗三徧淋之煮取一石神麴二十斤漬

之令發以黍米兩石五斗釀之熟封三七日服清


一升百日身中澀皮入風胸隔五臟骨髓伏風百

病悉去之

頭風沐方葶藶子煮沐不過三四度愈

又方蜀椒二升以水煮取汁沐髮良

白屑以桑灰汁沐頭去白屑神良
白髮還黑烏麻丸蒸九暴末之以棗肉丸久服之佳
又方隴西白芷旋覆花秦椒各一升桂心一尺治下
篩以井花水服方寸匕日三三十日白髮還黑禁
房室



光緒甲申小春
月白堤八字橋
孫谿槐廬家塾

光緒歲在闕逢涓灘國子監肄業生吳縣朱記榮校刊
千金寶要卷之四終

千金寶要卷之五

賜進士及第授通奉大夫署山東布政使孫星衍校

疫瘴渴淋第十五

令瘟不相染人汲水瓶上繩長七寸盜着病人卧席

下良

又方以繩度所住戶中壁屈繩則斷之

又方桃木蠹屎末之水服方寸匕

又方木豉等分酒漬服之妙

又方正旦吞麻子赤小豆各三七枚又以二七枚投

井中

又方新布袋盛大豆一升內井中一宿出服七枚

千金寶要卷五

又方松葉末之酒服方寸匕日三

又方常以七月七日合家向日吞赤小豆二七枚

又方常以七月七日男吞大豆七枚女吞小豆二七

枚

又方正旦取東行桑根大如指長七寸以丹塗之挂

門戶上又令帶之

又方常以月望日細剉東引竹枝煮湯浴

瘴氣蒜五子并皮碎之豉心一升以三歲男兒尿二

升煮五六沸去滓服之良

又方青竹茹二升以水四升煮取三升分三服汗不

止者白木葉作飲方寸日飲口

盜汗韭根四十九枚水二升煮一升頓服

又方豉一升以酒二升漬三日若服不差更合服不

過三劑

消渴甘草乾薑各二兩咬咀水三升煮取升半去滓
分二服又法有大棗十二箇

渴利生枳萹根三十斤切以水一石煮取一斗半去
滓以牛脂五合煎水盡以溫酒食如雞子大日三
服

渴口便利復非淋榆白皮二斤切以水一斗煮取五

升一服三合日三

又方小豆藿一把搗取汁頓服三升

千金寶要卷五

二

又方薔薇根水煎服之佳

又方三年重鵲巢燒末以飲服之

又方桃膠如彈丸含之咽津

又方蠟如雞子大以酢一升煮二沸適寒溫頓服之
熱渴頭痛壯熱及婦人血氣上衝悶不堪者茅根切

三升搗取汁渴卽飲之令盡

消渴病百日以上者不得灸刺

消渴乾浮萍栝萹根等分末之以人乳汁和丸如梧

子空腹飲服二十九日三三年病者三日愈治虛

熱大佳

治渴黃連一斤生地黃一斤又云十斤絞地黃取汁

浸黃連出燥曝之燥復內之令汁盡乾之搗末蜜丸如梧子每服二十九日三食前後無在亦可爲散以酒服方寸匕

大渴深掘大栝萇根厚削皮至白處以寸切水浸一日夜易水經五日取出爛搗研之以絹袋濾之如出粉法乾之水服方寸匕日三四亦可粥乳酪中食之不限多少取差止又云水和栝萇散服方寸匕亦可蜜丸如梧子大每服三十九

又方取七家井索近桶口結燒作灰井花水服之不過三服差

又方取豉漬汁任性多少飲之

千金寶要卷五

三

又方濃煮竹根取汁飲之以差止

又方以青梁米煮取汁飲之以差止

消中日夜尿七八升者鹿角炙令焦以酒服五分匕日三漸加至方寸匕

又方漚麻汁服一升佳

又方葵根如五升盆大兩束又云五六斤以水五斗煮取三斗宿不食平旦每服三升

諸淋細白沙三升熬令極熱以酒三升淋取汁服一合

淋痛蒲黃滑石等分末之酒服方寸匕日三氣淋船底胎如鴨子大水三升煮取二升頓服

又方水三升煮豉一升一沸去滓內鹽一合頓服亦可單煮豉汁服

又方水一斗煮比輪錢三百文取三升溫服之

又方搗葵子末湯服方寸匕

又方空心單茹蜀葵一滿口止

又方熬鹽熱熨小腹冷復易亦治小便血

又方臍中着鹽灸三壯

石淋車前子二升絹袋盛水九升煮取三升頓服之

石卽出先經宿不得食

又方取浮石使滿一手治下篩以水三升酢一升煮

取二升澄清服一升不過三服石出亦治嗽醇酒

煮之

千金寶要卷五

四

又方桃膠囊許大夏以三合冷水冬以三合湯和一

服日三當下石子如豆卵石盡止亦治小便出血

又方灸水泉三十壯足大敦是也

膏淋搗葎草汁二升酢二合空心頓服之當尿小豆

汁也又濃煮汁飲亦治淋瀝

熱淋葵根一升冬用子夏用苗切大棗二七箇以水

三升煮取一升二合分二服熱加黃芩一兩出難

加滑石末二兩血者加茜根三兩痛者加芍藥二

兩加藥水亦如之

又方白茆根切四斤以水一斗五升煮取五升服一

升日三夜二

又方常煮冬葵根飲之

血淋生大麻根十箇以水五升煮取二升頓服之亦

治小便出血

又方大豆葉一把水四升煮二升頓服之

又方葵子一升水三升煮取汁日三服亦治虛勞尿

血

又方灸丹田隨年壯又灸伏留五十壯又云隨年壯
五淋灸懸泉十四壯穴在內踝前一寸斜行脉上是
中封之別名

又方灸大敦三十壯

千金寶要卷五

五

卒淋灸外踝尖七壯

小便血胡麻三升搗細末以東流水二升漬一宿平
旦絞去滓煮兩沸頓服之

小便出血龍骨細末之溫水服方寸匕日五六服一

云酒服

又方搗荆葉取汁酒服二合

又方酒三升煮蜀當歸四兩取一升頓服

又方煮車前根葉子多飲之佳

又方刮滑石末水和傅繞小腹仍繞陰際佳又治小

便不通

又方酒服亂髮灰一云水服

又方酒服葵莖灰方寸匕日三

頭面手足癩瘡漏第十六

凡口吻瘡以經年葵根欲爛者燒作灰熱傳之佳
燕吻瘡白楊枯枝鐵上燒取醋及熱傳之佳

唇上瘡經年不差八月藍取汁洗三日差

諸瘡因風致腫燒白芋灰溫湯調之傳上厚三分乾
卽易不過五度差

又方櫟根皮三十斤剉水三斛煮令熱下鹽一把令
的的然熱以浸瘡當出濃血日日爲之差止

反花瘡并積年諸瘡取牛蒡根一二云牛蒡根熟搗和

臘月猪脂封上差止

千金寶要卷五

六

又方馬齒菜搗封差止

惡露瘡搗薤菜傅瘡口以大艾炷灸藥上令熱氣入
內卽差

惡瘡燒扁竹灰和楮白汁塗之

又方羊屎麻根燒煙斷膏和封有汁乾傅

惡瘡似火爛白馬屎暴乾以河水調煮十沸絞取汁
洗之

身瘡頭瘡菖蒲末傅上日三夜二

惡瘡十年不差似癩蛇脫皮一枚燒末之猪脂調傅

醋調亦得

又方苦瓠一枚咬咀煮取汁洗瘡口日三又煎以塗

癬甚良皆先以泔洗三日差

又方鹽湯洗搗地黃葉貼之

又方燒猥猪屎傳之

又方燒葺荇子末傳之

諸瘡久不差并六畜瘡棗膏三升水三斗煮取一斗半數洗取愈

代指甘草二兩咬咀水五升煮取一升半漬之若無

用芒硝代之

又方以唾調白礪砂搜麴作椀子盛唾着礪砂如棗大以爪指着中一日差

又方以毛雞黃土作泥泥指上令厚五分內糖灰中

千金寶要卷五

七

煨令熱可忍泥乾易數度差

又方刺指熱飯中二七徧愈

又方以麻沸湯漬之卽愈

又方單煮地榆湯漬之半日差

又方先刮去膿血炙魚鮓皮令溫以纏裹周匝痛止便愈

又方蜀椒四合水一升煮三沸以漬之

又方取萎黃芎藭葉煮湯漬之

指痛欲脫猪脂和鹽煮令消熱內其中食久住千金翼作和乾薑

手足指掣痛醬清和蜜溫塗之

又方灸指端七壯

手足指逆臚此緣廁上搔頭還坐廁上以指倒將二

七下卽差

凍指馬屎三升以水煮令沸漬半日愈

人脚冬夏常拆裂雞屎一升水二升煮數沸停小冷

漬半日差亦用馬糞

又方羊膠膠乾故帛貼上

九漏成鍊松脂末之填瘡孔令滿日三四度七日差

又方馬齒莧陰乾臘月燭燼等分末之以臘月豬脂

調先以暖泔清洗瘡拭乾傅之日三

又方乾牛屎乾人屎搗先幕絲于瘡上絲上着屎出

千金寶要卷五

聞屎香出若癢卽舉絲去之更取絲着屎如前出

出盡乃止

又方苦瓠四枚大如盞者各穿一孔如指大置湯中

煮十數沸取一竹筒長一尺內一頭瓠孔中一頭

注瘡孔上冷則易之徧止

又方煮鹽花以麩攤病上內鹽花麩匡中厚二寸其

下以桑葉三重藉鹽候冷熱得所可忍冷則無益

熱則肉破一日一度候病根勢消則止若已瘡者

搗稔穀末粉之

又方槲北陰白皮三十斤剉之以水一石煮取一斗

去滓煎如糖又取都廁上雌雄鼠糞各十四枚燒

合汁盡末內煎中溫酒一升投煎中合攪之羸人
五合服之當有虫出

漏作瘡孔末露蜂房臘月猪脂調傅孔上
瘡因風致腫櫟木根皮一斤濃煮入鹽一把漬之

灸瘡不差者每日于上別灸六七壯自差
灸瘡中風冷腫痛但向火灸之瘡得熱則瘡快至痛

止日六七灸愈

諸漏霜下瓠花暴乾末傅之

又方搗土瓜根薄之燥則易不限時節

又方故布裹鹽如彈丸燒令赤末酒服

又方服白馬尿汁一升

千金寶要卷五

九

又方正月雄狐屎陰乾末之水調服

又方鹽麩和燒灰傅之

又方水研杏仁服之

又方猪脂一升酒五合煎沸頓服之

漏下槐子燒末酒服方寸匕日三立差

一切冷癭燒人吐出蛔虫爲末先以甘草湯洗瘡後

着灰無不差者慎口味

鼠漏瘡差復發以不經水猪脂咬咀生地黃內脂中

令足相淹和煎六七沸桑灰汁洗瘡去惡汁以此

膏傅日一易

鼠漏腫核未成膿以柏葉着臚上熬鹽着葉上熨之

令熱氣下卽消

蝮蝮瘦榭葉灰先以泔清煮榭葉取汁洗拭乾以灰
內瘡中

蜂瘦瘰漸大者熬鹽熨之三宿四日不差至百日成
瘦其狀大如四五寸石廣三寸中生蜂作孔乃有
數百以石硫黃隨多少然燭燒令汁出着瘡孔中
須臾間見蜂數十惟蜂盡差

又方人尿蛇脫灰臘月猪膏調傅之

又方蜂巢灰臘月猪脂調傅孔中

瘰癧瘦雄雞屎灰臘月猪脂調封之

蛻蝦瘦牛屎灰和臘月猪脂傅之

千金寶要卷五

十

又方蛻蝦所推丸末傅之

又方乾牛屎末傅瘰則撥却更厚封差止

又方熱牛屎塗之數數易應有蛻蝦出

蚯蚓瘦蚯蚓屎雞屎末之用社猪下頷髓和傅之

蝎瘦五六孔相通者搗茅根汁着孔中

蛇瘦蛇脫皮灰臘月猪脂和封之

顛當瘦搗土瓜根傅至差慎口味

雀瘦取母猪屎灰和臘月猪脂傅瘡虫出如雀形

膿癭桃花末和猪脂封之佳

石瘦兩頭出令人寒熱搗槐子和井花水封之

灸漏法葶蔴子二合豉一升搗令極熟作餅如大錢

厚二分許取一枚當瘡孔上作大艾炷如小指大
灸餅上三炷一易三餅九炷隔三日復一灸之如
是頭瘡不可灸葶藶氣入腦殺人

又方七月七日日未出時取麻花五月五日取艾等
分合搗作炷用灸瘡上百壯亦灸癩瘰

九漏灸肩井二百壯

又方灸鳩尾骨下宛宛中七十壯

又方遶四畔灸差

諸惡漏中冷息肉灸足內踝上三壯二年六壯

癩瘰白蘊蚕治下篩服五分七日止三十日差

又方故鞋氈替燒末五匕和酒一升平旦向日服之

行須臾吐鼠三朝服

千金寶要卷五

十一

又方狼屎末傅之

又方五月五日取一切種種雜草煮汁洗

一切癩瘰及觸處但有肉結凝似作瘰及癰節者以
獨頭蒜截兩頭留心大作艾炷隨蒜大小貼瘰子
上灸之勿令上破肉但取熱而已七壯一易日日

灸之取消止

瘰瘰灸兩胯裏患瘰處宛宛中日一壯七日止神驗

又方灸五里人迎各三十壯

又方灸背兩邊腋下後文上隨年壯

又方灸耳後髮際直脉上七壯

去面黥黥成鍊松脂爲末溫酒服三合日三服盡三升無不差

又方白附子末酒和傅之卽落

脚氣腫已入胫至小腹脹小便澀少取烏特牛尿一升一服日二取消乃止又云羸瘦人二分尿一分牛乳合煮乳結服

口中瘡久不差入胸中並生瘡三年已上不差者濃煎薔薇根汁含之又稍稍咽之曰三夜一冬用根

夏用莖葉

又方角蒿灰傅之一宿知二宿差有汁吐不得咽也癬搗刺薊汁服之又服地黃汁佳又燒蛇脫一具酒

千金寶要卷五

十一

服又服驢尿良又搗菘蓉根蜜和傅之一無根字

又方執搗煎餅不限多少日一徧薄之良

又方醋煎艾塗之

又搗羊蹄根和乳塗之

瘦昆布二兩洗切如指大酢漬含咽汁盡愈

又方海燕一斤又云三兩小麥麴一升以三年酢一

升麴末暴乾往反酢盡搗爲散酒服方寸匕日三

忌努力

瘦上氣短氣灸肺輸百壯

瘦上氣胸滿灸雲門五十壯

肉瘤勿治治則殺人又云不得針灸

陰癩取楊柳枝脚指大長三尺二十枚水煮令極熱以故布及氈掩腫處取熱柳枝更互柱之如此取差

浸淫瘡以煎餅乘熱搗之亦治溼癬

又方猪牙車骨年久者椎破燒令脂出熱塗之

又方取苦練皮或枝燒作灰傅乾者猪膏塗并治小兒疥瘡諸惡瘡

癩瘡酢一升溫令沸以生薤一把內酢中封瘡上差止

又方炒臘月糟薄之

又方燒故履系末傅之

千金寶要卷五

三

又方燒松根取脂塗之

燥癩瘡酢和灰塗之又熱牛屎塗之

癩疥瘡癢不可堪羊蹄根淨去土細切熟熬以酢和熟搗淨洗瘡傅上一時間以冷水洗之日一又陰

乾作末癢時搔汁出以粉之又以生芎根揩之

又方灸足大指奇間二七壯灸大指頭亦佳

白殿平旦以手掉取韭頭露塗之極效

痔第十七

痔以蒲黃水服方寸匕日三良又取桑耳作羹空腹飽食之三日食佳

痔下血及新產漏下好礬石一兩附子一兩末之白

蜜丸如梧子大酒服二九日三稍加不過數日便斷百日服之終身不發一方有乾薑一兩

五痔十年者塗熊膽取差止一切方皆不及此神良又方七月七日多採槐子熟搗取汁內銅器中重繇密蓋着宅中高門上暴之二十日已上煎成如鼠屎大內穀道中日三亦主瘻及百種瘡

又方痔下血及新產漏下常食蔞竹葉及煮羹粥大佳

又方虎頭犀角末之如雞子大和不經水猪脂大如雞子塗瘡上取差

五痔取槐根煮洗之

千金寶要卷五

十四

又方取桃根煮洗之

痔出膿血有虫傍生孔竅槐白皮一担剉內釜中煮令味極出置大盆中適寒溫坐其中如浴狀虫悉出冷又易之不過二三卽差

久冷五痔便血灸脊中百壯

五痔便血失屎灸回氣百壯穴在脊窮骨上

肛出女萎一升以器中燒坐上熏之卽時入

脫肛蒲黃二兩以猪脂和傅肛上內之二三愈

腸隨肛出者生栝萸根取粉以猪脂爲膏溫塗隨手

抑按自得縮入

冷痢脫肛枳實一枚石上磨令滑澤鑽安柄蜜塗炙

令煖熨之冷更易之取縮入止

又方鐵精粉內上按令入卽愈

又方生鐵三斤以水一斗煮取五升出鐵以汁洗口
再

因寒冷脫肛灸臍中隨年壯

又灸橫骨百壯

又方灸龜尾七壯卽後窮骨是也

千金寶要卷五

十五



光緒甲申小春
月白堤八字橋
孫谿槐廬家塾

千金寶要卷之五終

千金寶要卷之六

小有居士河陽郭思纂

賜進士及第授通奉大夫署山東布政使孫星衍校

千金論曰上醫醫未病之病中醫醫欲病之病下醫醫已病之病思以謂知病于未病之前者此上智之所能也知病于欲病之初者此中智之所及也若夫已病而求醫則常情同然不必論其智不智也孫氏曰聖人設教欲家家自學人人自曉尊親有疾不能療之者非忠孝也斯言可謂切至矣

氣不調百病自生衆病積聚皆起于虛又曰虛生百病藥石有相欺者八人腹中遂相鬪爭力甚刀劍言不知性氣者不可服也凡服食藥餌須量自己性理所宜不可見彼得力我便服之人患瘡瘍未瘳不得

千金寶要卷六

合陰陽

婦人妊娠食羊肝令子多厄食山羊肉令子多病食驢肉延月食兔犬肉令子無音聲并缺唇食騾肉產難食雞子及乾鯉魚令子多瘡食椹并鴨子令子倒出食雀肉并豆醬令子面多黧黯黑子食雀肉飲酒令子心淫情亂不畏廉恥食鰲令子短項食冰漿絕胎多經大驚者生子患癩向非常地大小便必半產殺人穢汚死喪家人來看視產婦則難產傷兒不依產圖令子母多妨產乳若在反支月者浣濯水以器盛出此忌月方覆之產婦人衆看則難產臨產憂悒

則難產兒已生不得自視穢污便利于懸廁之上成
十二癩疾產後百日內勿行房大忌上廁只室中上
盆佳暑月產卧忌取涼百日忌服轉瀉藥月經不去
大忌合陰陽生十二疾卧濕冷地大忌合陰陽生十
二疾大忌以冷水洗浴合陰陽生十二疾小兒初生
不以絲裹指拭口中青泥惡血則入腹生百病初生
舉之遲則中寒臍帶隔衣咬斷之不得以刀子截臍
帶留至足跌短則中寒下痢斷臍後浴者水入臍令
兒腹痛臍帶中多有虫不去之則入腹成疾臍留六
寸長則傷肌短則傷臟臍不以時截及授汁不盡則
寒生臍風兒生男以父女以母故衣裹之過厚皮膚

千金寶要卷六

二

害血脉發雜瘡而黃新生兒衣暖大厚令筋骨緩弱
解脫兒臍及換衣如冬月須閉戶生三日朱蜜食多
則脾胃冷腹脹喜陰疝氣急變瘳而乖臍帶瘡未愈
數洗浴令兒患陰頰兒太飽則吐及風中臍夏不去
熱乳令兒嘔逆冬不去寒乳令兒欬痢母新房以乳
兒令兒羸瘦交脛不能行母有熱以乳兒令變黃不
能食母怒以乳兒令喜驚發氣疝又令上氣顛狂母
新吐下以乳兒令兒虛羸母醉以乳兒令兒身熱腹
滿乳兒當極授散其熱氣勿令奔出乳兒不得用宿
乳母欲寐則不得乳兒恐失飢飽及填兒口鼻也浴
兒水不冷熱得所則令兒驚亦致五臟病兒冬不可

兒冬不可久浴久浴則傷寒夏不可久浴久浴則傷
熱數浴背冷則發癩小兒不浴又令兒毛落衣暖至
汗出却外風入腹爲病因驚怖大啼多爲病因先不
哺乳吐而變熱者爲癩新生無病懼不可逆針灸衣
甚薄則乳食不消大便醋臭此欲爲癖也乳哺食節
作疾新生一歲兒外人來氣息忤之則爲客忤病雖
是家人或別房異戶從外還者不避之爲客忤雖是
乳母及父母從外來亦能令兒爲客忤一應親戚及
外來人有衣服經履鬼神羸惡暴氣或牛馬之氣并
能令兒爲客忤一應人執作喘息及乳母乳氣未定
者并能爲客忤乳母遇醉及房勞喘後乳兒最劇能
殺兒凡諸乘馬行得馬汗氣息未盥洗易衣裝而便
向兒邊者令兒中馬客忤一歲兒勿見馬來及聞馬
鳴驚能令兒作客忤兒衣布帛繇中及履中不得有
頭髮白衣不得用青帶青衣不得用白帶皆能爲客
忤凡非常人及諸物從外來亦驚小兒致病欲防之
法當將兒避之若不避者當燒牛屎令常有煙氣置
戶前則善秋初夏末晨夕暴冷不避之多患肚熱下
痢小兒解着傷風亦作傷寒病尋常晚夜及陰雨夜
小兒衣物不得在露地有釣星鬼禽喜落毛羽于人
中庭置兒衣中便令兒作癩病必死七八月尤忌兒
生未能行而母再有娠使兒飲此乳作魑病小兒飲

食過度不知自止作疾小兒夏月積冷洗浴過度及
乳母亦將冷水洗浴以冷乳飲兒兒壯熱忽值暴雨
涼卽令兒病痢等夏月暴寒小兒不避之入胃則暴
病中客忤心腹脹滿刺痛口噤氣急停屍卒死者服
張仲景備急丸

人失明之本有十六件事生食五辛接熱飲食熱食
麪食飲食不已房室無節極目遠視數看日月夜視
星火夜讀細書月下看書抄寫多年雕鏤細作博奕
不休久處煙火泣淚過多刺頭出血過多又由馳聘
田獵冒涉風霜迎風追獸日夜不息之所致也

地因寒暑風溼皆作蒸氣人足履之謂之風毒名爲

千金寶要卷六

四

脚氣婦人產後尤宜慎此四時之中不得久立久坐
溼冷之地令人作脚氣病酒醉汗出脫衣靴襪當風
取涼皆成脚氣患脚氣人忌大怒忌房室忌牛羊肉
蒜葷菜菘菜蔓菁瓠子酒麪酥油乳糜猪雞鴨不
得犯之一方用鯉魚外魚亦忌又忌生果酸酢之食
宜食生牛乳與生栗子及粳梁粟米醬豉芡苴薤椒
薑橘皮

病有三患一患覺之晚二患驕狠恣傲三患狐疑不
決犯之多枉傷性命故曰法爲信者施不爲疑者設
欲臨近亡人宜將少金牙散塗鼻孔耳門及視疾者
亦然亦宜帶絳囊一方寸匕男左女右

新食畢取風者令人患胃風因醉取風者令人患漏風新沐浴畢取風者令人首風新房室畢取風者令人患內風尊貴人骨弱肌膚盛因疲勞汗出偃臥不時動搖被微風所及得血痺疾凡常之日忽然暴熱頓取涼快意生病亦然暴寒亦然

冬時嚴寒最宜周密若觸冒之者爲傷寒四時之氣皆能爲病其傷寒尤重以其殺厲之氣故也辛苦之人春多患溫病以冬時多觸胃寒冷所致時行之氣犯之多病所謂時行之氣者春時應暖而反大寒夏時應熱而反大冷秋時應涼而反大熱冬時應寒而反大溫凡熱病大病新差之後食猪肉及羊血肥魚

千金寶要卷六

五

油膩等物必大下痢醫所不能治食餅餌粢黍飴哺膾炙棗栗諸果物脯脩及堅實難消之物胃氣尚虛弱不能消化必更結熱下之則大病難禁不下之必死下之復危皆難治也不可不慎但得食糜粥寧少食令飢勿飽不得他有所食引日轉久可漸食羊肉白糜若羹汁雉兔鹿肉不可食猪狗肉當靜臥勿早起梳頭洗面非但不可體勞雖言語亦不得多亦不得生心用意煩勞凡上氣事並令人勞復女勞當舌吐數寸而死凡差未滿百日氣力未平復而以房室者畧無不死未滿五日食一切肉麪病更發大困食生魚鮓下痢必不止食生菜令人顏色終身不平復

病新汗解飲冷水者損心胞令人虛補不復食生棗及羊肉者必膈上作熱蒸食犬羊等肉者骨中蒸熱食魚肉與瓜生菜令人身熱食鱸者病發必大困早起勞多及美飲食過多致發欲死

穀疸者由失飢大食胃氣衝熏所致酒疸者由大醉當風入水所致女勞疸者由大勞大熱而交接畢入水所致黃疸有人以竹筒使人極吹病人鼻中者無不死大慎之

夏傷暑至秋作瘖瘧冬中于風寒氣藏于骨髓中至暑有所用力腠理開又中邪氣能作瘧肺有熱因有所作用力腠理開能令作瘧

千金寶要卷六

六

交接損令人卵縮筋攣

食食物令虫卵生入腹者成虫蛇及魚鼈勞倦或飲食過常作吐血

服藥吐利後常須閉口少語于無風處温牀暖食將息

凡人執作汗出當風因以房室過度醉飲飽滿行事令心氣逼迫短氣脉悸得風癩病

執沐髮而濕結之腦汗未止得濕癩病

因大驚及當風從高墜下致喜悲善恐怖如有鬼物患

有所擊仆若醉飽入房汗出當風則必傷脾

凡患痢服止藥初間痢須轉劇愚人不能便不服其藥此誤也但服不過再三服之痢病通忌生冷酢滑猪雞魚油乳酪酥乾脯醬粉鹽所食諸食皆須大熟爛爲佳亦不得傷飽

凡疳鹽醬酢酥油棗皆忌惟白飯豉苜蓿苦苣蕪菁不在禁限

凡日月蝕時忌食飲腹中生蠱虫及房室生子不具足必患月蝕瘡日月蝕不得與兒乳日月生後乃不忌令人口臭齒斷宜露常有血出舌上生瘡

飲酒當風入肺膽氣妄泄卽令人目青氣喘酒客勞倦當風喜怒氣含于肺面目黃腫卽頭眩欬逆上氣

千金寶要卷六

七

時忽忽欲絕心下弦急不能飲食或吐膿血胸痛引背支滿欲嘔

七氣者寒氣熱氣怒氣恚氣喜氣憂氣愁氣此七種氣積聚堅大如杯若拌在心腹中疾痛不能飲食時來時去每發欲死如有禍祟

尸疰鬼疰者卽五尸之中尸疰也又挾諸鬼邪爲害者也其大畧令人寒熱淋瀝沉沉嘿嘿不的知其所苦而無處不惡累年積月漸就頓滯以至于死死後復注易傍人乃至滅門覺如此候宜急療之

人有九虫其虫凶惡人之極患也常以白筴草沐浴佳根葉皆可用旣是香草又尸虫所惡也凡服補藥

及治諸病皆須先去諸虫并痰飲宿癖醒醒除盡不
爾必不得藥力脾勞熱有虫在脾中令人好嘔肺勞
熱生虫在肺腎勞熱四肢腫急有虫曰螻虫如菜中
虫在腎人得傷寒及天行熱病腹中有熱及人食少
腸胃空虛若齒斷無色舌上盡白甚者唇裏有瘡四
肢沉重忽忽喜眠當數看其上唇內有瘡唾血唇內
如粟瘡者心內懊懣痛悶者此有三虫在上蝕其五
臟下唇內生瘡者其人喜眠此虫在下蝕其下部人
不能知可服蝕虫藥不爾蠶虫殺人熱病蝕毒令人
喜寐不知痛處而面赤如醉下利膿血當數視其人
下部大小之孔稷稷然亦則是蠶虫也劇能殺人

若有所用力舉重若入房過度汗出如浴水則傷腎
人因身勞汗出衣裏冷濕久而得腎著之病身體重
腰以下如帶五千錢腰中冷如冰又其人本來不吃
忽然蹇吃而好噎恚反常性此腎之傷也取寒眠地
卧冷濕地氣所傷則腰痛墜傷腰則腰痛房室後
用則腰痛肝傷善夢心傷善忘脾傷善飲肺傷善痰
腎傷善唾骨傷善飢肺傷善嗽遠思強慮傷人憂恚
悲哀傷人喜樂過度傷人忿怒不解傷人汲汲所願
傷人戚戚所患傷人寒暄失所傷人

五勞七傷有小腹急痛膀胱虛滿手足逆冷食飲苦
吐酸痰嘔逆泄下少氣目眩耳聾口焦小便自利者

虛損少氣腹脹內急拘引小腹至冷不得屈伸不能飲食寒熱頭痛手足逆冷大小便難或復下痢口乾夢中泄精或時吐逆恍惚面色枯瘁又復微腫百節酸疼者

五勞七傷虛羸不足面色黎黑手足疼痛久立腰疼起則目眩腹中懸急而口絕傷外引四肢者

虛勞寒口飲在脇下決決有聲飲已如從一邊下決決然也有頭並衝皮起引兩乳內痛裏急善夢失精氣短目眈眈忽忽多忘者

五勞七傷小腹急臍下膨亨兩脇脹滿腰脊相引鼻口乾燥目暗眈眈憤憤不樂胸中氣急逆不下飲食

千金寶要卷六

九

莖中策痛小便黃赤尿有餘瀝夢與鬼神交通去精驚恐虛乏者

凡男女有因積勞損或大病後不復常苦四體沉滯骨肉酸疼吸吸少氣行動喘悒或小腹拘急腰背強痛心中虛悸咽乾唇燥面體少色或飲食無味陰陽廢弱悲憂慘戚多卧少起者

有大勞虛劣寒熱嘔逆下焦虛熱小便赤痛客熱上熏頭痛目疼骨肉痛口乾者

有虛勞不足四肢煩疼不欲食食則脹汗出者

有虛勞少氣胸心淡冷時時驚惕心中悸動手脚逆冷體常自汗腸鳴風濕者

有虛勞損羸乏欬逆短氣四肢煩疼腰背引痛耳鳴
面黎黑骨間熱小便赤黃心悸目眩者

有大虛不足小便數噓吸焦瘠引飲膀胱滿急者

有左脇氣衝膈上滿頭上有風如虫行手足頑痺鼻
塞脚轉筋兩目時腫痛者

有虛損短氣咽喉凝唾不出如膠塞咽喉者

有五勞六絕其心傷者令人善驚妄怒無常者

有五勞六絕其脾傷者令人腹滿喜噫食竟欲卧面
目痿黃者

有五勞六絕其肺傷者令人少精腰骨痛四肢厥逆
者

有五勞六絕其肝傷者令人少血面黑者

千金寶要卷六

十

有五勞六絕其腎傷者有積聚少腹腰背滿痺欬唾
小便難者

六絕之爲病皆起于大勞脉虛外受風邪內受寒熱
令人手足疼痛膝以下冷者

有五勞六絕腹中雷鳴時時泄痢者

有五勞六絕或閉或痢面目腫心下憤憤不欲語憎
憎聞人聲者

有五勞七傷八風十二痺無有冬夏悲憂憔悴者凡
是病皆須服之者

有虛勞百損者

有五勞六極七傷虛損者

男子女人虛損傷絕頭目眩骨節煩痛飲食微少羸瘦百病者

有虛勞腎氣不足腰痛陰寒小便數囊冷濕尿有餘瀝精自出陰痿不起忽忽悲喜者

有五勞七傷六極強力行事舉重重病後骨髓未滿而行房室所食不消胃氣不平者

有五勞七傷每事不如意者

有陰下濕癢汗出或生瘡莖中痛者

有溺血者

有膀胱冷欬唾有血喉鳴喘息者

千金寶要卷六

十一

有膀胱腎冷坐起欲倒目眈眈氣不足骨痠者

有膀胱寒小便數漏精稠厚如白米泔者

有胞屈僻津液不通者

有尿白濁者

有胞轉者

有上焦熱腹滿而不欲飲食或食先吐而後下肘攣痛者

有上焦飲食下胃汗出面背身中皆發熱者

有上焦冷下痢腹內不安食好注下者

有上焦閉塞乾嘔嘔而不出熱少冷多好吐白沫青

涎吞酸者

有中焦實熱閉塞上下不通隔絕關格不吐不下腹滿澎澎喘急者

有中焦熱水穀下痢者

有中焦寒洞泄下痢或因霍亂後瀉黃白無度腹中虛痛者

有下焦熱大小便不通者

有下焦熱或下痢濃血煩悶恍惚者

有下焦熱毒痢魚腦雜痢赤白瘡下小腹絞痛不可忍欲痢不出者

有膀胱三焦津液不下大小腸中寒熱赤白泄痢及腰脊痛小便不利及婦人帶下者有下焦虛寒津液

不止短氣欲絕者

千金寶要卷六

十一

有下焦虛寒損或見血後便轉此爲亾血或利或不

利
有下焦虛寒損或先便轉後見血此爲遠血或利或不

不利好因勞冷而發者
有三焦虛損或上下發泄吐唾血皆從三焦起或熱

損發或因酒發者
有手足厥冷脉絕者

有下焦虛寒損腹中瘀血令人喜恚不欲聞人語胸中噎塞而短氣者

有吐下汗出而小便復利或下利清穀裏外熱脉微

欲絕或發熱惡寒者

凡霍亂務在溫和將息若冷則遍體轉筋此病定一

日不食為佳仍須三日少少喫粥三日已後可依常

食息七日勿雜食為佳所以養脾氣也

有霍亂吐下脹滿食不消心腹痛者

有霍亂吐利止而身體痛不休者

有霍亂轉筋血冷汗出嘔啞者

有霍亂吐利已斷汗出而厥四肢拘急不解脉微欲

絕者

有霍亂已服理中四順熱不解者

有婦人霍亂嘔逆吐涎沫者慎不可下

千金寶要卷六

三

有年老霍亂羸劣冷柔惡心食飲不化心脹虛滿拘

急短氣嘔逆四肢厥冷心煩氣悶而須汗者

有毒冷霍亂吐利煩嘔轉筋肉冷汗出手足指腫喘

息唾死絕語音不出者

有霍亂壅宿食不消積冷心腹煩滿鬼氣者

有霍亂洞下不止者

有霍亂引飲飲輒乾嘔者

有先服石人因霍亂吐下服諸熱藥吐不得止因即

變虛心煩手足熱口乾燥欲得水嘔逆迷悶脉急數

者

有時行熱病後毒未盡因霍亂吐下仍發熱心胸欲

裂者

有霍亂皆因飲食非關鬼神因飽食脍膾復粲乳酪
海陸百品無所不噉眠卧冷席多飲寒漿胃中諸食
結而不消所致思謂此說止爲貴者言若貧下此症
亦以瓜李生冷不慎致然

霍亂人忌與米飲胃中得米卽吐不止但與厚朴葛
根飲若冬瓜葉飲但沾漬咽喉而不可多與若服湯
時隨服吐者俟吐定乃止診脉絕不通以桂合葛根
爲吐下心煩肉熱汗不出不轉筋脉急數者可犀角
合葛根爲飲吐下不止發熱心煩欲飲水可少飲米
粉汁爲佳若不止可與葛根薺芫飲服之

千金寶要卷六

十四

婦人霍亂嘔吐者

霍亂四逆吐少嘔多者

霍亂久將遠行預備者

霍亂永不發丸者

中熱霍亂暴利心煩脉數欲得冷水者

陰陽二氣擁而反戾陽氣欲升陰氣欲降陰陽乖隔
變成吐利頭痛如破百節如解遍體諸筋皆爲回轉
論症雖小卒病之中最爲可畏雖臨深履危不足以
喻之

人生放恣者衆盛壯之時不自慎惜快情縱慾極意
房中稍至年長腎氣虛竭百病滋生時服石散真氣

既盡石氣孤立惟有虛耗唇口乾焦精液自洩或小便赤黃大便乾實所食之物皆化作小便此皆由房室不節之所致也

熱結中焦則為堅

下焦熱則為溺血令人淋閉不通

氣淋之為病溺難澀常有餘瀝

石淋之為病莖中痛溺不得出

膏淋之為病尿似膏自出

勞淋之為病勞倦即發痛引氣衝下

熱淋之為病熱即發甚則尿血

下焦結熱小便赤黃不利數起出少莖痛或血出温

千金寶要卷六

五

病後餘熱及霍亂後當風取熱過度飲酒房勞及行

步冒熱冷飲逐熱熱結下焦作淋及散石熱動關格

小腹堅胞脹如斗諸有此淋悉治之立驗

錄忌如左

喪孝

產乳

音樂

一切魚

一切肉

誼戲

房室

酢滑

生冷

蒜

粘食

米豆

油膩

右並忌不得食及不得用心其不禁者並具本方之下再發若不爾若雖差復發復發不可治

婦人產後飲水不即消三焦決漏小便不利仍相結

漸漸生聚遂流諸經絡故也

忌腹上出水出水者一月死大忌之

第一唇黑傷肝

第二缺盆平傷心

第三臍出傷脾

第四背平傷肺

第五足下平滿傷腎熱結為淋者

人氣急積久不差成水病者

有患水腫細腹堅如石小勞苦足脛腫小飲食便氣

急此終身疾不差服丹參亦可愈

酒客有虛熱當風飲冷水腹腫陰復脹滿者

水病有通身洪腫者流腫者百藥治不差而欲死者

千金寶要卷六

十六

有大腫眼合不欲開短氣欲絕者

男子女人新久腫得暴風入腹者

婦人新產上廁風入臍腹中如馬鞭者噓吸短氣欬

嗽者

耆婆萬病丸

牛黃 麝香 犀角一方云一 桑白皮 茯苓

乾薑 桂心 當歸 芎藭 芍藥 甘遂

黃芩 蜀椒 細辛 桔梗 巴豆 前胡

紫苑 蒲黃 葶藶 防風各 蜈蚣三 石蜥蜴

人參子 朱砂 雄黃 黃連 大戟 芫花

禹餘糧 芫青七枚

右三十一味並令精細牛黃麝香犀角朱砂雄黃禹
餘糧巴豆別研餘者合搗重絹下篩以白蜜和更搗
三千杵密封下破除日平旦空腹酒服三丸如梧子
大取微下三升惡水爲良若卒暴病不拘平旦早晚
皆可服但以吐利爲度若不吐利更加一丸或至三
丸五丸須吐利爲度不得限丸數病強藥少卽不吐
利更非他故若其發遲以熱飲汁投之若吐利不止
卽以醋飯兩三口止之服藥忌陳臭生冷醋滑粘食
大蒜猪雞魚狗牛馬驢肉白酒行房七日外始得一
日服二日補之得食新米韭骨汁作羹粥臠食之三
四頓大良亦不得全飽產婦勿服吐利以後常須閉

千金寶要卷六

七

口少語于無風處溫牀暖室將息若旅行卒暴無飲
以小水送之爲佳若一歲以下小兒有疾者令乳母
服兩小豆亦以此利爲度近病及卒病皆用多積久
疾病卽少服常取微澹利爲度崔氏無黃芩桑白皮
桔梗防風爲二十七味

萬病丸治症開錄如左

卒病欲死

卒中惡口噤

五疰鬼刺客忤

猫鬼口口口

瘧病未發前一日

諸有痰飲

患冷瘧

宿食不消

癥瘕積聚

拘急心腹脹滿心痛

上氣喘逆胸滿不得卧

傷寒時行

大痢

瘡濕

水病

頭痛惡寒

小便不通

大便不通

耳聾啞耳

鼻衄

癰腫

疔腫

犯疔腫血出

胸背腰脇腫

癩瘡用萬病丸傳之

癩瘡

千金寶要卷六

六

痔瘡

冷瘡積年不差者

癬瘡

惡刺

蝮蛇螫

蝎螫

蜂螫

婦人諸疾胎衣不下

小兒客忤

小兒驚癇

小兒乳不消心腹脹滿

千金寶要卷六

九

仙人玉壺丸

雄黃

藜蘆

丹砂

礬石

一作礬

巴豆

八角附子

各三兩

右六味先搗巴豆三千杵次內礬石又搗三千杵次內藜蘆三千杵次內附子三千杵次內雄黃三千杵次內丹砂三千杵內蜜又搗萬杵若不用丹砂內珍珠四兩無在每內藥輒治五百杵內少蜜恐藥飛揚治藥用王相吉日良時童子齋戒為良天晴明日無雲霧白晝藥成封密器中勿泄氣着清潔處大人服丸如小豆欲下病者宿勿食平旦服二丸不知者以粥飲發之令下下不止飲冷水以止之病在膈上吐

膈下利或但噫氣卽已若欲漸除及將服消病者如
麻子大三九卒中惡欲死不知人以酒若湯和二九
強開口灌喉中鬼疰病百種不可名漿水服二九日
再

玉壺丸治症開錄如左

男女與鬼交通歌哭無常

腹中若有虫欲鑽腸出狀急痛一止一作

憂恚氣結在胸心若連噫及欬胸中刺痛

心腹切痛及心中熱

癖飲痰飲

諸疝

千金寶要卷六

三

卒上氣氣但出不入并逆氣衝喉胃中暴積聚

癥結堅痞

積寒熱痞

食肉不消腹堅脹

腹中三虫

下痢重者

卒關格不得大小便欲死

瘧已發未發

卒霍亂心腹痛煩滿吐下手足逆冷并寒熱往來

傷寒較瀆時氣熱病

淋瀝疲瘦百節酸疼

頭卒風腫

癰疽痲癩瘰癧及欲作癩

鼠瘻

中水毒

齒痛

耳聾膿血汁出及卒聾

風目赤或癢視物漠漠淚出爛

中蠱毒吐血腹內如刺

中蛇蝮諸毒

獬犬所咋

狂馬所咋

千金寶要卷六

三

婦人產後餘疾及月水不通往來不時

婦人胸中苦滯氣氣息不利小腹堅急繞臍絞痛

小兒百病驚癇痞塞及有熱

小兒大腹及中熱惡毒食物不化結成積聚

小兒寒熱頭痛呼熱及吐衄

小兒羸瘦丁奚不能食食不化

欲問人孝省人病先服之及繫頭上

頭上繫玉壺丸辟百鬼

獨宿山澤冢墓廟社叢林之中燒一丸百鬼走去

以蠟和一丸如彈丸着絳囊繫臂男左女右山精

鬼魅皆畏之

千金須知

中慢驚為陰癇

緩縱為疝

淋為癰

黃為痺

強直為瘵

喘嗽為欬逆

隔氣為膏盲

熱死為暈

怔忡為悸

利為滯下

千金寶要卷六

臟毒為痢之蠱毒

腸風為腸滯下血

咳逆為噦逆

服金石藥為服石

度者量也

漬者浸也

和者調也

傅者塗也

暴者驟也

吹咀者秤畢細切也

三兩者今之一兩

三升者今之一升

方寸匕者正方一寸散子以不落爲度

錢匕者五銖銅錢上全抄也

錢五匕者今五銖錢邊五字者以抄之令不落爲度

半錢匕者一錢抄取一邊

梧桐子大者以二大豆準之

刀圭者如梧桐子大

一撮者四刀圭

如彈丸如雞子者十梧桐子準之

一升者取平升爲正

千金寶要卷六

三

一把者二兩

草一束者三兩

桂一尺者削去皮半兩

甘草一尺者二兩

蜜一斤者有七合

猪膏一斤者二升二合

半夏一升者洗畢五兩

椒一升者三兩

吳茱萸一升者五兩

兔絲子一升者九兩

菴藷子一升者四兩

蛇牀子一升者三兩半

地膚子一升者四兩

巴豆以枚計者去皮心二分準豆六枚

附子烏頭以枚計者去皮半兩準二枚

枳實以枚計者去穰二分準二枚

棗三枚準一兩

生薑一累半兩

千金寶要卷六

三

光緒甲申小春
月白堤八字橋
孫谿槐廬家塾

光緒歲在闕逢涒灘國子監肄業生吳縣朱記榮校刊
千金寶要卷之六終

此書初得華州石刻舛譌最多繼得華州木刻及蜀中及郭武定木刻其譌猶華之石刻也其門類錯亂者茲皆類明拾遺一段茲皆附之各類小兒兩類併而爲一爲其便于檢閱也其間有字句之謬可以意會者乃敢更之中有文字高古不能讀者不敢輒易乃仍舊焉自千金論起至若有所舉重段止似欲人知所避忌也自五勞七傷有小腹急痛起至婦人新產上廁段止既無治法又無令人避忌之意自五勞段數至第二十二段中有凡是病者皆須服之之句後淋閉論末又云悉服之立驗或亦萬病玉壺各有所主也因併及之

千金寶要卷六

委官李海立

生員謝沾書

祀初鄒鳳臯刻

光緒甲申小春
月白堤八字橋
孫谿槐廬家塾

光緒歲在閏逢涪灘國子監肄業生吳縣朱記榮校刊

